

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-14868/18
Sarajevo, 09.08.2018.godine

Na temelju člana 24. stav (1) tačka a) i 70. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/125-05-10708/18 od 16.05.2018.godine, a na preporuku Komisije za javnu nabavku radova, Općinski načelnik d o n o s i:

O D L U K U

o dodjeli ugovora i odabiru najpovoljnijeg ponuđača

I Prihvata se preporuka Komisije i ugovor u predmetu „Izvođenje nepredviđenih i dodatnih radova na sanaciji i adaptaciji objekta u sklopu Centar za edukaciju, sport i rekreaciju „Safet Zajko“ u Halilovićima po ugovoru br. 02/12-23-22381/17 od 12.01.2018.godine“, dodjeljuje se ponuđaču KOLINVEST doo Sarajevo sa iznosom konačne ponude 64.993,52 KM sa uračunatim PDV-om.

II Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda, zapisnik o pregovaranju i Zapisnik o radu Komisije sa preporukom za dodjelu ugovora u spisu.

III Zadužuje se Služba za zajedničke poslove, da obavijesti učesnika pregovaračkog postupka o prihvatanju ponude, a u skladu sa datim Zapisnikom o radu Komisije i preporukom za dodjelu ugovora, te nakon isteka žalbenog roka pripremi prijedlog ugovora i u predviđenom zakonskom roku dostavi odabranom ponuđaču na potpis.

IV Obavezuje se ponuđač iz stava I ove Odluke da u roku od 5 dana od prijema obavijesti o rezultatima postupka, dostavi dokumente navedene u članu 45. stav 2. tačka od a) do d), ne starije od tri mjeseca računajući od momenta dostavljanja ponude.

O b r a z l o ž e n j e

Uvidom u dostavljeni izvještaj o radu Komisije i preporuku za dodjelu ugovora konstatovano je sledeće: Tokom realizacije Ugovora broj 02/12-23-22381/17 od 12.01.2018.godine o izvođenju radova sanacije i adaptacije objekta u sklopu Centra za edukaciju, sport i rekreaciju „Safet Zajko“ u Halilovićima, ukazala se potreba za izvođenjem određenih nepredviđenih i naknadnih radova.

Opravdanost provođenja pregovaračkog postupka utvrđena je aktom Službe za investicije i komunalne poslove br. 02/08-23-1689/18-vs od 22.06.2018.godine i obrazloženja stručno-tehničkog nadzora br. P-18/06/79 od 22.06.2018.godine. Navedenim aktima konstatovana je opravdanost izvođenja dodatnih radova, koji su tehnički opravdani, kao i uslov za okončanje projekta iz Osnovnog ugovora.

U vezi sa tim, Služba za investicije i komunalne poslove obratila se sa Zahtjevom za odobravanje nabavke br.02/08-23-1689/18 od 25.06.2018.godine, nakon čega Služba za zajedničke poslove upućuje Zahtjev za pokretanje postupka javne nabavke broj 02/12-sl od 03.07.2018.godine Općinskom načelniku.

Postupajući po gore navedenim zahtjevima, a u skladu sa članom 18. stav 1) Zakona o javnim nabavkama („Službeni glasnik BiH broj 39/14“) Općinski načelnik je 09.07.2018.godine donio Odluku o

pokretanju postupka javne nabavke za „Izvođenje nepredviđenih i dodatnih radova na sanaciji i adaptaciji objekta u sklopu Centar za edukaciju, sport i rekreaciju „Safet Zajko“ u Halilovićima po ugovoru br. 02/12-23-22381/17 od 12.01.2018.godine“, putem pregovaračkog postupka bez objavljivanja obavještenja o javnoj nabavci. Poziv za učešće u pregovaračkom postupku broj 02/12-23-14868/18 od 12.07.2018.godine upućen je izvođaču radova KOLINVEST doo Sarajevo, za dostavu ponude za izvođenje dodatnih radova u predmetnoj nabavci.

Dana 26.07.2018.godine Komisija je otvorila dostavljenu inicijalnu ponudu koja predstavlja osnov za pregovaranje. Komisija konstatuje da ponuđena cijena za ugovor u inicijalnoj ponudi iznosi 64.993,52 KM sa uračunatim PDV-om, dok su ostali elementi ponude - rok izvođenja radova 30 dana računajući od dana uvođenja u posao, garantni rok za izvedene radove 2 godine računajući od dana primopredaje radova i način plaćanja bez avansa, nakon primopredaje radova u zakonskom roku. Zapisnik o otvaranju dostavljen ponuđaču na fax.

U toku pregovora Komisija je razmatrala mogućnost smanjenja cijene u inicijalnoj ponudi, te pregovarala sa ponuđačem o istom. Ponuđač je izjavio na Zapisnik da je njegova inicijalna ponuda ujedno i konačna.

Komisija je izvršila analizu dostavljene ponude i utvrdila da ista u cijelosti ispunjava sve uslove tražene tenderskom dokumentacijom. Zapisnik o pregovaranju dostavljen ponuđaču na fax.

Komisija je izvršila i računsku kontrolu dostavljene ponude, te utvrdila slijedeće :

Na stranici 26 ponude – “REKAPITULACIJA RADOVA; A. PRATEĆI GRAĐEVINSKI RADOVI” ponuđač je propustio upisati zbirni iznos pozicija koje se odnose na navedenu vrstu radova (814,10 KM), te je istu upisao u dio koji se odnosi na montažne radove-kanalizacionu mrežu umjesto iznosa 753,00 KM koji se odnosi za ovu vrstu radova. Zbog ovog propusta ponuđač je došao do pogrešnog iznosa rekapitulacije sa kojim je kasnije kalkulirao. Rekapitulacija radova na strani 26 ponude iznosi 6.955,12 a treba da iznosi 7.708,12. Uzimajući u obzir navedeno, iznos ponude je 65.874,53, a ne 64.993,52 kako je navedeno.

Obzirom na gore navedeno, Komisija je aktom od 30.07.2018.godine, zatražila od ponuđača da se izjasni o računskom propustu, te da ponovo dostavi konačnu ponudu. Aktom broj 01-242/2018 od 01.08.2018.godine, ponuđač je dostavio konačnu ponudu. Komisija je pristupila analizi dostavljene konačne ponude, te utvrdila da je ista računski ispravna i iznosi 64.993,52 KM sa uračunatim PDV-om.

Nakon svih provedenih aktivnosti, Komisija je konačnu ponudu putem Službe za investicije i komunalne poslove, dostavila Nadzornom organu na uvid.

Nadzor je izvršio uvid u dostavljenu konačnu ponudu ponuđača i svojim aktom br. P-18/08/99 od 08.08.2018. godine „preporučio Investitoru da prihvati ponudu za izvođenje nepredviđenih i dodatnih radova na sanaciji i adaptaciji objekta u sklopu Centra za edukaciju, sport i rekreaciju Safet Zajko u Halilovićima“. Obzirom na navedeno ponuda dostavljena od strane Izvođača radova KOLINVEST doo Sarajevo ocjenjena je prihvatljivom.

U toku pregovaračkog postupka postignut je dogovor oko svih uslova ugovora. Iz navedenih razloga, a primjenom člana 64. stava 1) tačka b) Zakona o javnim nabavkama, odlučeno je kao u dispozitivu Odluke.

Pouka o pravnom lijeku

Ponuđač koji je sudjelovao u postupku nadmetanja može radi zaštite svojih prava i pravnih interesa, izjaviti žalbu Uredu za razmatranje žalbi putem ugovornog organa u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila
Enisa Babić, dipl. pravnik

Dostaviti:

1. Ponuđaču
2. Služba za zajedničke poslove
3. A r h i v i / u spis

Općinski načelnik
mr. Semir Efendić